



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-17751/21
Sarajevo, 26.04.2021. godine

Bosna i Hercegovina

Institucija ombudsmena/ombudsmana za ljudska prava
Bosne i Hercegovine
Područni ured Sarajevo
ul. Dubrovačka br. 6
71 000 Sarajevo

PREDMET: Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20), **obavijest -**

VEZA: Vaš Akt, broj predmeta: Ž-SA-04-1076/20, broj preporuke : P-88/21 od 12.04.2021. godine

Poštovani,

Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (u daljnjem tekstu: Uredba) koju je donijela Vlada Kantona Sarajevo stupila je na snagu **18.09.2020.** godine.

Ministarstvo za boračka pitanja Kantona Sarajevo je dana **27.07.2020.** godine uputilo akt pod brojem: 06-02-2696/20 zajedno sa prijedlogom Uredbe u kome se traži mišljenje od Ministarstva pravde i uprave Kantona Sarajevo o usklađenosti Uredbe sa Evropskom konvencijom o zaštiti ljudskih prava i osnovnih sloboda i sa drugim pravnim aktima kojima je utvrđena zaštita ljudskih prava i sloboda. U prilogu dostavljamo navedeni akt zajedno sa prijedlogom Uredbe.

U prijedlogu Uredbe bilo je propisano u članu 5. stav (1) da lica iz člana 3. ove Uredbe imaju pravo na prvenstvo pri zapošljavanju, a na evidenciji su JU "Služba za zapošljavanje Kantona Sarajevo" ili **imaju zasnovan radni odnos po ugovoru na određeno vrijeme** ili su zaposlena sa nižom stručnom spremom od one koju posjeduje.

Ministarstvo pravde i uprave Kantona Sarajevo je dana **03.08.2020.** godine donijelo akt pod brojem: 03-04-02-27901/20, u kome daje mišljenje o usklađenosti prijedloga Uredbe sa Evropskom konvencijom o zaštiti ljudskih prava i osnovnih sloboda i sa drugim pravnim aktima kojima je utvrđena zaštita ljudskih prava i sloboda, navedeni akt je u prilogu.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



U mišljenju na prijedlog Uredbe koju je donijelo Ministarstvo pravde i uprave Kantona Sarajevo, u vezi sa članom 5. stav (1) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, istaknuto je da su navedenom odredbom lica koja su u stalnom radnom odnosu stavljena u neravnopravan položaj u odnosu na lica koja imaju zasnovan radni odnos po osnovu ugovora na određeno vrijeme, **te je dato negativno mišljenje na prijedlog Uredbe u navedenom kontekstu**, naime član 5. stav (1) Uredbe je u suprotnosti sa članom 1. Protokola 12 Evropske konvencije o zaštiti ljudskih prava i osnovnih sloboda.

Napominjemo da je namjera ove Uredbe u suštini zapošljavanje i utvrđivanje prednosti za lica iz boračke populacije koja nisu u radnom odnosu na neodređeno vrijeme, da bi se ostvarilo njihovo zapošljavanje, jer bi u suprotnom lica koja su u radnom odnosu na neodređeno vrijeme bila u mogućnosti stalnog napredovanja, dok bi nazaposlena lica i dalje bila u tom statusu.

Tako da slijedeći i uvažavajući pravni stav-mišljenje Ministarstva pravde i uprave Kantona Sarajevo, Ministarstvo za boračka pitanja Kantona Sarajevo je inkorporirajući navedene smjernice iznijelo novi prijedlog Uredbe koji je i usvojen od strane Vlade Kantona Sarajevo u formi i sadržaju koji danas imamo kao pozitivno pravni propis.

Iz navedenih akata koji Vam dostavljamo u prilogu evidentna je intencija Ministarstva za boračka pitanja Kantona Sarajevo kao predlagača da se članom 5. Uredbe u njene korisnike uvrste i lica iz člana 3. Uredbe, a koja su zasnovala radni odnos po ugovoru na određeno vrijeme, ali je Ministarstvo pravde i uprave u svom mišljenju koje smo naveli iznijelo stav da je takva odredba u suprotnosti sa članom 1. Protokola 12 Evropske konvencije o zaštiti ljudskih prava i osnovnih sloboda.

Obradio : Hajro Halilović, dipl. pravnik

Kontrolisala : mr. Beba Halilović

Prilozi:

- Prijedlog Uredbe,
- Akt Ministarstva za boračka pitanja Kantona Sarajevo broj: 06-02-2696/20,
- Akt Ministarstva pravde i uprave Kantona Sarajevo broj: 03-04-02-27901/20.

Dostaviti:

- Naslovu,
- a/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

